

漢書辨疑

漢書辨疑卷十

嘉定錢大昭晦之甫學

百官公卿表下

高帝元年內史周苛爲御史大夫 案秦之內史於漢爲
三輔高帝元年京兆馮翊屬塞國扶風屬雍國二年更
名爲渭南河上中地三郡九年復爲內史是內史之官
高帝元年未嘗有也周昌傳但云從兄苛以卒史從沛
公不言其爲內史然則內史二字疑有誤下云內史周
苛遷亦誤若云是治粟內史不應列於三輔格矣

執盾襲爲治粟內史 此卽功臣表棘丘侯襄也史闕其
姓耳攷襲以上郡守擊定西魏地西魏之降在漢二年

三月是甄居職未久卽遷爲上郡守矣

五年廣平侯薛歐爲典客 歐之封侯表在六年史蓋從後追稱之

軍正陽成延爲少府 功臣表軍正作軍匠陽成延作陽城廵云以軍匠從起邾人漢後爲少府作長樂未央宮第長安城先就侯大昭案延乃梓人製造軍中器械積功拜官時量才授職使爲將作少府築城作宮皆其職守序所云將作少府掌治宮室景帝中六年更名將作大匠者是也武帝時工楊光以作茂陵可意故將作大匠亦是此類然則軍匠之爲少府必是將作少府脫將作二字耳但其官與列于九卿之少府有別例不載入

公卿中疑班氏因舊本之脫漏而誤載之

殷內史杜恬 是時無內史官說詳于上杜恬疑是殷王
印之內史侯表云杜恬以內史擊諸侯蓋當有殷字此
條疑是後人因侯表有殷內史而闌入耳

九年丞相何遷爲相國 何遷相國本紀在十一年何傳
云上已聞誅信使使拜丞相爲相國誅信事在十一年
百官表亦云十一年更名此在九年誤

十年中地守官義爲廷尉 地理志右扶風故秦內史高
帝二年更爲中地郡九年復爲內史

十一年絳侯周勃爲太尉後官省 當盧縮反時勃以相
國代噲將葢不復爲太尉故用相國虛名

衛尉王氏 見蕭何傳

孝惠二年齊相曹參爲相國 傳作齊丞相以下文淮南丞相張敖例之亦當有丞字

高后元年上黨守任敖爲御史大夫 史記將相表在孝惠六年誤

八年 本紀有郎中令賈壽表失載

孝文二年衛尉足 本紀元年有衛尉足表在二年非是三年十二月丞相勃免 本紀作十一月史記作十一月壬子

後六年 周亞夫傳是年宗正劉禮爲將軍表于孝景元年始載平陸侯劉禮爲宗正疑誤

七年 有中尉周亞夫見文帝紀及亞夫傳

孝景五年安止侯張歐爲奉常 歐當作欣功臣表安止

侯張說曾孫康侯新孝景四年立即其人也史記表作
訢訢與欣同

中三年煮棗侯乘昌爲奉常 功臣表煮棗侯革朱之孫
名昌卽其人也唯姓不同疑字之譌

後元年丞相舍死 死字誤據寶嬰傳及功臣表當作免
三年柏至侯許昌爲太常 許益之孫

孝武建元元年淮南太守灌夫爲太僕 案淮南厲王子
安是時爲淮南王當有內史不得有太守唯淮陽國高
帝所置後改封於趙則爲郡矣必淮陽之譌也灌夫傳

正作淮陽

二年南陵侯趙周爲太常 南陵當作商陵

四年武強侯嚴青翟爲御史大夫 趙綰以二年有臯自殺青翟爲御史大夫卽在是年表作四年非也

江都相鄭當時爲右內史五年貶爲詹事 案灌夫傳元光四年有內史鄭當時又當時傳云爲右內史以武安魏其時議貶秩爲詹事是當時左遷在元光四年表當爲六年此作五年誤

六年六月癸巳丞相昌免 漢紀作癸未

太僕賀 公孫賀也

元光元年 本紀有中尉程不識表失載

隴西太守李廣爲衛尉 廣傳由雲中太守遷

四年宣平侯張歐爲太常 此非張偃之子別是一人說

詳功臣表

五年廷尉翟公 翟公下邳人見鄭當時傳

六年中尉韓安國爲都尉 都尉當作衛尉

元朔四年宗正劉棄 汲黯傳作劉棄疾

五年河東太守九江番係爲御史大夫 此人疑非是元

光五年之右內史故別著其郡否則九江二字當書在

前

中尉殷客 汲黯傳濮陽段宏官再至九卿殷客二字形

相似淮南王安傳是時有中尉宏卽此人矣

六年繩侯周平爲太常 平周成之子

據衛霍傳是年有主爵都尉趙食其表在元狩三年疑誤

元狩元年宗正劉受 元狩四年有沈猷侯劉受爲宗正疑又是一人故此不書侯

三年廷尉張湯爲御史大夫 湯代李蔡也應在二年冠軍侯霍去病爲票騎將軍 去病當載則元光六年大中大夫衛青爲車騎將軍元朔五年車騎將軍衛青爲大將軍何以不載

衛尉張騫 本紀元狩二年已有衛尉張騫表在三年非是

四年中尉丞陽僕爲主爵都尉 此卽酷吏楊僕爲樓船將軍者也陽楊字通

五年四月乙卯太子少傅嚴青翟爲丞相 荀悅漢紀乙卯作乙丑少傅作太傅

郎中令李敢 敢李廣之少子也代父廣爲之

六年俞侯樂資爲太常 資樂布子

按史記三王世家是年有太常充索隱以爲趙充

右內史王毘 張湯傳作王朔

元鼎四年雕陵侯張廣國爲太常 案功臣表只作廣

五年平曲侯周建德爲太常 建德周勃之孫

陽平侯杜相爲太常 功臣表名相夫

元封五年坐畱外國使人入粟贖論 南雍本閩本使人

下有白字

太初二年正月戊寅 本紀作戊申

三年膠東太守延廣爲御史大夫 漢紀作王延廣

搜粟都尉上官桀爲少府年老免 攷李廣利傳桀爲少

府在趙弟封侯之年弟於四年受封此亦當在四年師

古疑其非上官桀誤矣

天漢元年濟南太守王卿爲御史大夫 荀紀作王延年

二年新時侯趙牟爲太常 牟字誤李廣利傳功臣表竝

作弟

太始三年暴勝之爲御史大夫三年下獄自殺 案本紀

勝之自殺在征和二年表當作四年

容城侯唯塗光爲太常 卽攜徐盧之孫也唯塗與攜徐

聲相轉

四年江都侯靳石爲太常 侯表作江鄒侯

征和二年 外戚傳有宗正劉長樂執金吾劉敢表皆失

載

三年高廟郎中田千秋爲大鴻臚 本傳作高寢郎

後元元年守衛尉不害 疑卽當塗侯魏不害

二年守衛尉遺 功臣表重合侯莽通後二年坐發兵與

衛尉讚等謀反要斬德侯景建後二年坐共莽通謀反

要斬二人之功罪俱同此表作遺彼又作讚形相似而

譌耳竊疑建字亦與遺相似所謂衛尉遺者卽德侯建耳當依此作遺

執金吾郭廣意免 武五子傳兩見一作廣義一作廣意
孝昭始元元年司隸校尉李仲爲廷尉 本紀霍光傳及
荀悅漢紀竝作李种

水衡都尉呂辟胡 本紀作呂破胡

四年大鴻臚田廣明爲衛尉 案本紀元鳳元年尙有大
鴻臚廣明疑表誤

六年坐廟夜郎飲失火免 夜古掖字

元鳳四年御史大夫王詡爲相 脫丞字

五年坐侍中加元下獄風吏殺元 加閩本作邪

六年少府蔡義爲御史大夫 義霍光傳作誼

便樂成侯少府 便霍光傳作使杜周傳作史

元平元年水衡都尉趙充國爲後將軍水衡都尉 案後
將軍水衡都尉下脫如故二字又第十四格當有水衡
都尉并將軍七字

孝宣本始二年詹事東海宋時爲大鴻臚 時本紀及黃
霸傳作時

四年山陽太守梁爲大鴻臚 案儒林傳小戴授梁人橋
仁季卿仁爲大鴻臚此云梁者疑卽其人傳寫脫落耳
六安相朱山拊爲右扶風 山拊買臣子也

地節元年于定國爲廷尉十七年遷 傳作十八年

水衡都尉朱輔爲右扶風博案博字疑亦右扶風之人
名

二年大司農光薨光霍光也農當作馬

五鳳二年當有八月壬午太子太傅黃霸爲御史大夫
一年遷共十八字闕本不脫

甘露元年三月丁巳大司馬延壽薨本紀作二月

蒲侯蘇昌復爲太常昌三爲太常

黃龍元年闕本有左馮翊常四字

孝元初元二年光祿勳賞此杞侯金賞也見本傳

永光元年大司農堯此夏侯堯也見夏侯勝傳

侍中中大夫歐陽餘爲少府餘儒林傳作地餘字長賓

建昭二年諸吏散騎光祿匡衡爲御史大夫 光祿下脫

勳字

竟寧元年河南太守召信臣爲少府 案建昭元年尙書
令五鹿充宗爲少府五年貶爲元菟太守建昭元年至
竟寧元年正合五年之數是表以召信臣爲代五鹿充
宗矣然儒林傳云梁邛臨代五鹿充宗君孟爲少府則
表中明脫梁邛臨一人

孝成建始二年宗正劉慶忌爲太常 此劉德之子陽城
侯也

河東太守杜陵甄少公爲京兆尹 閩本甄下有尊字此
脫

河平四年大夫韋安世爲大鴻臚 大夫上疑脫光祿二字

鴻嘉四年 本紀是年廣漢太守趙護爲執金吾表載在元延元年誤

永始二年河內太守寵貢爲左馮翊 寵南雍本閩本竝作寵

左馮翊朱博爲大司農 本紀是年汝南太守嚴訢爲大司農表在四年誤

四年侍中水衡都尉淳于長爲衛尉 案永始二年詔書已稱侍中衛尉長則非四年遷矣

元延二年廣陵太守孫寶爲京兆尹 廣陵是王國不得

有太守傳作廣漢是

三年尙書僕射趙卺爲光祿勳 卺南雍本闕本竝作元
綏和元年侍中光祿大夫司農趙元爲衛尉 案趙元卽
元延三年之光祿勳也表脫勳字又衍大夫司農四字
二年光祿大夫閼宗爲執金吾 貢禹傳作閼崇

漢書辨疑卷十終

漢書辨疑卷十一

嘉定錢大昭晦之甫學

古今人表

未知焉得仁師古曰言智者雖利物猶不及仁者所濟遠也案陸德明論語音義云未知鄭音智是康成讀法與孟堅同矣漢人解經必守師法於此可見

女媧氏

上中

閩本是上上次於太昊說文媧古之神聖

女化萬物者也

大庭氏

上中

廷或作庭左傳昭公十八年有大庭氏之

庫杜預曰大庭氏古國名在城內魯於其處作庫

中央氏

上中

閩本無

朱襄氏 上中

見呂氏春秋高誘曰朱襄氏古天子炎帝

之別號

葛天氏

上中

見呂氏春秋高誘曰葛天氏古帝名

陰康氏

上中

呂氏春秋云昔陰康之始陰多滯伏而湛

積水道壅塞不行其次民氣鬱閼而滯著筋骨瑟縮不達故作爲舞以宣導之

亾懷氏

上中

見莊子鄭德曰古之王者在伏羲前

悉諸

上中

高誘曰悉姓諸名也

歸臧氏

上中

臧古藏字

蚩尤

下下

大戴禮用兵篇云蚩尤庶人之貪者也

倉頡

上下

書序疏云蒼頡司馬遷班固韋誕宋忠傳休

奕皆云黃帝之史官也崔瑗曹植蔡邕索靖皆直云古
之王者徐整云在神農黃帝之間譙周云在炎帝之世
衛氏云當在庖犧黃帝之世慎到云在包羲之前張揖
云倉頡爲帝王生於禪通之紀

繫祖

上中

一作嫫祖大戴禮云黃帝居軒轅之邛娶于

西陵氏之子謂之嫫祖氏產青陽及昌意

媼母

上中

說文慕慕母都醜也荀子賦篇云媼母刀父

是之喜也楊倞曰媼母醜女黃帝時也

大填

上中

新序云子夏對哀公曰黃帝學于大填

力牧

上中

史記集解云班固曰黃帝相

風后

上中

潛夫論云黃帝師風后

鬼吏區 上中

見素問

冷淪氏 上中

高誘曰黃帝臣

五鳥 上中

左傳云鳳鳥氏歷正也元鳥氏司分者也伯

趙氏司至者也青鳥氏司啟者也丹鳥氏司閉者也

五鳩 上中

左傳云祝鳩氏司徒也雉鳩氏司馬也爽鳩

氏司寇也鵙鳩氏司事也

昌僕 上中

大戴禮云昌意娶于蜀山氏蜀山氏之子謂

之昌濮氏產顓頊

顓頊帝高陽氏 上上

大戴禮云孔子曰顓頊黃帝之孫

昌意之子也曰高陽

女祿 上中

大戴禮云顓頊娶于滕氏滕氏奔之子謂之

女祿氏產老童

嬌極

上中

大戴禮云老童娶于竭水氏竭水氏之子謂

之高紉氏產重黎及吳回是嬌極卽高紉矣

允格

上中

閭本作允貉

柏夷亮父

上中

呂氏春秋云顓頊師伯夷父

緣圖

上中

新序云顓頊學於緣圖

帝嚳高辛氏

上上

史記作帝皓大戴禮云孔子曰元孫

之孫嬌極之子也曰高辛

姜原

上中

說文嫫台國之女周棄母字也大戴禮曰姜

嫫有郤氏之女也產后稷

簡邊

上中

說文娥帝高辛之妃偃母號也大戴禮曰有

娥氏之女也曰簡狄與易古字同然過亦通

祝融上中 潛夫論云帝嚳師祝融

陸終上中 大戴禮云吳回產陸終

女漬上中 大戴禮云陸終娶于鬼方氏鬼方氏之妹謂

之女隤氏產六子孕而不粥三年啟其左脅六人出焉

其一曰樊是爲昆吾其二曰惠連是爲參胡其三曰籛

是爲彭祖其四曰荄言是爲云郇人其五曰安是爲曹

姓其六曰季連是爲芊姓

赤松子上中 新序云帝嚳學于赤松子其說與班氏合

張良傳注云赤松子仙人號也神農時爲雨師服水玉

教神農能入火自燒至昆山上常止西王母石室隨風

而上下炎帝小女追之亦得仙俱去疑別是一人非帝

學師

相招

上中

呂氏春秋云帝學師伯招

陶唐氏

上上

以前後證之疑脫帝堯二字大戴禮云孔

子曰高辛氏之子也曰放勳

女皇

上中

大戴禮堯娶于散宜氏之子謂之女皇氏

朱

下中

說文絲純赤也虞書丹朱如此

女志

下中

世本鯀娶有辛氏女謂之女志是生高密宋

衷曰高密禹所封國

鯀

下下

大戴禮云鯀娶于有莘氏有莘氏之子謂之女

志氏產文命

尹壽

上中

荀子大略篇堯學于尹囑新序作尹壽囑壽

古字通

許繇

上中

呂氏春秋曰帝舜師許由章懷注崔駰傳云

許由字武仲

子州支父

上中

呂氏春秋曰帝堯師子州父高誘曰州

一作支

帝舜有虞氏

上上

大戴禮孔子曰螭牛之孫瞽叟之子

也曰重華

娥皇

上中

帝堯之女

敫手

上中

說文云舜女弟名敫首

女瑩

上中

一作女英大戴禮帝舜娶於帝堯之子謂之

女媧氏暨媧聲相近

媧人

上中

左傳石癸曰媧吉人也后稷之元妃也

石戶之農

上下

舜友見呂氏春秋

北人無擇

上下

見呂氏春秋

雒陶

上下

戰國策注作雄陶

續身

上中

呂氏春秋孝行覽云堯舜得伯陽續耳然後

成

柏陽

上下

呂氏春秋及戰國策注作伯陽

柏益

上中

案史記秦本紀云大業娶女華女華生大費

大費佐禹平水土輔舜馴鳥獸舜妻以姚之玉女是曰

柏翳爲秦之先竹書紀年夏啟卽位二年費侯伯益出

就國伯益爲人名則大費爲國名益翳聲相近漢書伯
仲之伯皆作柏書作伯益史記作柏翳律歷志作化益
鄭氏詩譜作伯翳書言平水土指暨奏鮮食之事史言
馴鳥獸指掌火作虞之事其實卽一人也

女趙 上中

大戴禮云禹娶于塗山氏塗山氏之子謂之

女嬌氏產啟

六卿 上下

見甘誓

允 中上

卽征義和之允族鄭元曰臣名

逢門子 下中

呂氏春秋作蠶蒙高誘曰羿弟子也

韓泥 下下

左傳作寒泥假借字

槐 中中

南雍本閩本注杼子此脫

苾上下

鄒誕生音荒

泄上下

史記云苾子

不降上下

史記云泄子

塵中上

史記云扁子

臯下上

卽夏后皋

闕龍逢上下

桀之臣也忠諫而死潛夫論云參龍逢以

忠諫桀殺之

于辛下中

呂氏春秋桀用羊辛小顏注人表序以爲桀

之勇人

仲虺上下

荀子宛問篇作中薳史記作中鬬

逢公柏陵中上

殷諸侯姜姓

有嬖氏

上中

史記作有莘氏南雍本閩本有師古曰嬖

與辛同七字今脫

義伯

上下

尚書作誼伯陸德明云本亦作義

費昌

中上

伯益之後爲湯御者

終古

中上

見呂氏春秋

中衍

中上

潛夫論作仲衍云羸姓鳥懼人元爲夏帝大

戊御

中丁

中上

大戊弟 史記作大戊子

祖乙

上中

河亶甲弟 史記作河亶甲子

沃甲

中上

史記作開甲

小辛

上下

盤庚子 史記作盤庚弟

甘盤 上中

史記燕世家作甘般

飛廉 下下

紂時邪佞人孟康曰飛廉善走

惡來 下下

潛夫論費仲生惡來武王伐紂并殺惡來

梅伯 中上

殷諸侯也見呂覽

邢侯 中上

邢當作邢史記殷本紀九侯鄂侯徐廣曰鄂

一作邢音于野王縣有邢城

鬼侯 中上

殷諸侯也見呂氏春秋史記作九侯徐廣曰

一作鬼侯

太師摯等八人 上下

古今人表及禮樂志竝以爲紂時

人唯孔安國以爲魯哀公時人後儒因之

伯達伯适等八人 中上

案國語詢于八虞賈侍中唐尚

書竝云八虞周八士皆在虞官伯達伯适仲突仲忽叔
夜叔夏季隨季騶也予攷逸周書有南宮百達南宮忽
疑卽八士中人矣

辛甲

上下

紂臣七十五諫而去

祭公

上中

梁玉繩曰表有畢公而無榮公此祭公當是

榮公之譌

向棼

上下

殷史

見呂氏春秋閭本作殷太史

大姬

上下

武王妣

據張晏說大姬巫恠好祭鬼神陳人

化之國多淫祀乃在第三是大姬爲陳胡公妃非武王

妃矣

商叔振鐸

上下

逸周書作叔振

毛叔鄭

上下

逸周書作毛伯鄭

聃季載

上下

史記管蔡世家作聃季毋古聃

右史戎夫

中上

竹書紀年以爲穆王時人

南宮髦

上下

髦尙書作毛

晉侯燹

中中

左傳所謂燹父也

衛康叔

中下

封子

世家云康叔卒子康伯立此當作康

伯

魯孝公

中中

律志作者公就史記就作會

魯煬公

中中

孝公子律志作者公弟

造父

中下

潛夫論云造父以善御事周穆王穆王游西

海忘歸于是徐偃王作亂造父御一日千里以征之王

封造父于趙城因以爲氏

徐隱王

中下

隱偃聲相近

伯璽

中上

尙書作問

衛建

中中

閩本建作

楚熊錫

中下

盤子

世家作熊楊以爲熊勝之子世表作

熊楊

宋愍公

中下

其公子

世家作晉公丁公子

密母

中上

密康公之母列女傳云姓隗氏

魯魏公

下下

世本及律志竝作微公微魏古字通

宋弗父何

上上

南雍本閩本是上下

衛貞伯

中下

索隱曰世本作箕伯

中山父

上下

卽樊侯仲山甫

申伯

上下

周宣王元舅

伯陽父

中上

韋昭曰周大夫唐固曰周柱下史老子也

伯御

下下

弑懿公而自立

師服

中上

晉大夫

蔡夷侯

中中

重出前第七等已有蔡夷侯

張中

上中

是孝友之張仲也

程伯休父

上下

潛夫論云爲宣王大司馬司馬遷曰常

宣王時官失其守而爲司馬氏

司徒皮

下下

皮番聲相近

陳文公

中下

案陳文公之上岡本有宋正考父在第三

等此本及南雍本皆脫

曹嚴公亦姑

中下

史記世家作夕姑年表作射姑

衛太子伋

上下

左傳作急子

楚保申

中上

閩本無申字

駐甥

中中

駐當作驢南雍本閩本皆不誤

辛甲

中中

閩本無此人南雍本有之

蓮章

中下

潛夫論爲章者王子無釣也

右公子職

下上

案右公子職當與左公子泄同等今左

居六等右居七等傳寫誤

雍人稟

下中

左傳作雍廩

管仲

上中

韋昭注國語云管夷吾齊卿姬姓之後管嚴

仲之子敬仲也

鮑叔牙

上下

韋昭注國語云齊大夫如姓之後鮑敬叔

之子叔牙也

甯戚

上下

呂氏春秋云管子曰墾田大邑辟土墾粟盡

地力之利臣不若甯邀請置以爲大田高誘曰甯邀甯

戚

王子成父

上下

呂氏春秋云管子曰平原廣城車不結

軌士不旋踵鼓之三軍之士視死如歸臣不若王子成

父請置以爲大司馬

宋愍公捷

下中

南雍本閭本注嚴公子三字

齊曹劌

上下

史記管仲傳作曹沫

鄭文公接中下

左傳接作捷接捷古字通說文有此接

字

曹昭公班

中下

作詩

鄭氏詩譜云昭公好奢而任小人

曹之變風始作

衛宏資

懿公時人呂氏春秋作宏演

號叔

下上

叔當作射南雍本閩本不誤

宋襄公

下上

成公子

前已有宋襄公矣此當云成公襄

公子轉寫誤耳

齊昭公

下中

孝公子

當作孝公弟

豎頭須

中上

史記作里臯須

甯麻

上下

麻下疑脫妻字

宋防叔嘉子上下

防叔孔父嘉之子也嘉子二字是注

文

西乞術中上

乞古乞字既有西乞術當有白乙丙傳寫

脫耳

晉成公黑臀中下

靈公弟 據世家是襄公弟

朱伯夏叔子中上

伯夏防叔之子也叔子亦是注

孫叔敖上下

潛夫論云為章之子也

衛繆公下上

重出

晉失穀下中

失當作先

曹邾時上下

卽欣時邾欣聲相近新序作喜時

宋平公下上

成公子 成公當作共公

羊魚

中下

疑卽夷羊五

樂正求

中上

古裘字作求

白戍

中上

白當作向南雍本閩本不誤

鄭游販

中上

說文販多白眼也引春秋傳鄭游販字子

明是販當從目

范武子

上中

潛夫論云劉氏自唐以下漢以上德著於

世莫若范會之最盛也斯亦有脩己以安人之功矣後漢書周舉傳詔曰性倖夷魚忠踰隨管蓋漢時以二人竝稱故管仲范武子俱列在二等也前第四等有士會劉知幾以爲班氏原本在第五等者疑別自一人

華州

中上

州與周古字通地理志西河平周略博德傳

作平州人

卞嚴子

上下

東方朔傳作弁嚴子

弁卞同杜欽傳小弁作小卞

陳不占

中上

與崔杼同時見新序

衛右宰穀臣

中上

左傳無臣字

厚學

中上

合成子爲一字誤

狐止子林

中上

子產之師也呂氏春秋作盭止子林狐

盭古字通

韓宣子厥

中下

前第四等已有韓獻子厥疑此有誤字

老子

中上

閩本老子在第一疑是唐人所改

梁邱據

下中

南雍本閩本第七等俱有齊景公杵臼及

注嚴公弟共八字在梁邱據之上此脫

商瞿

上下

史記云字子木

季次

上下

史記公皙哀字季次家語作公皙克

公良

上下

史記作公良孺字子正

公肩子

中上

史記有公堅定字子中

子石

中上

卽公孫龍

江上丈人

中上

見呂氏春秋

沈尹戌

中下

潛夫論云左司馬戌者莊王之曾孫也

蔡昭侯

下中

南雍本閭本第七等俱有蔡惠公及往賁

公孫共六字在蔡昭侯之上此脫

屠羊說

中中

見莊子

顏燭雛

中中

見呂氏春秋

郵亡恤

王良

竝中中

郵亡恤王良郵無正郵良實一

人也此分爲二人未詳

柏樂

中中

秦穆公時人楚詞云騏驎踞於敝輦遇孫陽

而得代王逸曰孫陽伯樂姓名也

范蠡

上下

高誘曰蠡字少伯楚人也

大夫種

中上

高誘曰姓文名禽楚鄞人

葉公子高

上下

潛夫論云葉公請梁者戊之第三弟也

屈固

中下

史記伍子胥傳云石乞從者屈固負楚惠王

亡走昭夫人之宮

嚴善

中中

楚白公同時人新序作莊善

達巷黨人

上下

董仲舒傳云此無異於達巷黨人不學

而自知也孟康曰人項彙也

顏桡

上下

史記顏幸字子桡

公肩瑕

中上

見禮記檀弓篇

陳弃疾

中下

鄭康成曰棄疾楚公子棄疾也以魯昭八

年帥師滅陳縣之楚人善之因號

工尹商陽

中下

鄭康成曰工尹楚官名

青莽子

中上

趙襄子參乘有青莽見呂氏春秋

太史屠黍

上下

晉出公時人見呂氏春秋

韓文侯

中下

南雍本問本俱有列侯子三字

趙敬侯

中下

列侯子

列當作烈

杜摯

中中

見商君傳

馮赫

中中

國策作郝

犀首

中中

卽公孫衍也司馬彪曰犀首魏官

甘茂

上下

國策作甘茂

任鄙

中上

秦力士

令尹子椒

子蘭

並中下

新序作令尹子蘭司馬子椒

燕武成王

下上

脫四十一世四字

漢書辨疑卷十一終

漢書辨疑卷十二

嘉定錢大昭晦之直學

律厯志上

北平侯張蒼首律厯事 張蒼傳云蒼尤好書無所不觀
無所不通而尤邃律厯

徵天下通知鐘律者百餘餘人 上餘字當作有本紀元
始五年徵天下通知鐘律教授者在所爲駕一封軺傳
遣詣京師

徑象乾律黃鐘之一而長象坤呂林鐘之長 律率也所
以率氣令生也呂旅也旅宣陽氣也六律爲陽六呂爲
陰凡十有二陽足以包陰故單言六律陽足以統陰故

呂亦稱律

職在太史義和掌之 元始元年王莽置義和官此用劉歆原文故言掌于義和

商之爲言章也物成熟可章度也 漢紀云商者量也物盛而可量度也商量音近而義亦相成然說文商从章省聲此志又云聲章于商則章義更爲精也

字也物聚藏字覆之也 月令正義引曰羽聚也聚藏字覆之也按下云聲字於羽則聚字非是

十二篇以聽鳳之鳴 月令疏引此文鳳下有皇字

注律得風氣而成聲 閩本律作物

於子在十一月 乾初九也辰在星紀

呂旅也 呂旅義同故說文云呂篆文作膂

位於丑在十二月 坤六四也辰在元枴

旅奏也言陽氣大奏地而達物也 國語云太簇所以金

奏贊陽出滯亦此意

位於寅在正月 乾九二也辰在姤訾

夾鐘 月令疏引此文夾鐘下有鐘種也夾助也六字

位於卯在二月 坤六五也辰在降婁

姑洗洗絜也 月令疏引作洗之言絜也荀紀云姑固也

位於辰在三月 乾九三也辰在大梁

旅助姑洗 方言云膂力也旅有助義故言旅助

位於巳在四月 坤上六也辰在實沈

賓導也 賓爲古文儼見儀禮鄉飲酒禮注故訓爲導

位於午在五月 乾九四也辰在鶉首

位於未在六月 坤初六也辰在鶉火

位於申在七月 乾九五也辰在鶉尾

位於酉在八月 坤六二也辰在壽星

位於戌在九月 乾上九也辰在大火

位於亥在十月 坤六三也辰在析木

太族爲人統律長八寸象八卦 案韋昭注國語云律長

七寸九分寸之一與此不同然志又云黃鍾林鐘大族

皆律長全寸而無餘分則韋說非是

中堅於中 釋名中身也物皆成其身體各申束之使備

成也

出甲於甲 釋名甲孚甲也萬物解孚甲而生也

斂更於庚 斂月令疏引作改案釋名庚猶更也庚堅強貌也據此是堅強者可以收斂斂字是

參分損一下生參分益一上生 鄭注周禮太師云黃鐘初九也下生林鐘之初六林鐘又上生太族之九二太族又下生南呂之六二南呂又上生姑洗之九三姑洗又下生應鐘之六三應鐘又上生蕤賓之九四蕤賓又下生大呂之六四大呂又上生夷則之九五夷則又下生夾鐘之六五夾鐘又上生無射之上九無射又上生中呂之上六同位者象夫妻異位者象子母所謂律娶

妻而呂生子也黃鐘長九寸其實一龠下生者三分去一上生者三分益一五下六上乃一終矣大呂長八寸二百四十三分寸之一百四太族長八寸夾鐘長七寸二千一百八十七分寸之千七十五姑洗長七寸九分寸之一中呂長六寸萬九千六百八十三分寸之萬二千九百七十四蕤賓長六寸八十一分寸之二十六林鐘長六寸夷則長五寸七百二十七分寸之四百五十一南呂長五寸三分寸之一無射長四寸六千五百六十一分寸之六千五百二十四應鐘長四寸二十七分寸之二十

職在大樂太常掌之 太常屬官有大樂令丞

職在內官廷尉掌之 內官長丞初屬少府中屬主爵後屬宗正蓋莽秉政時又改屬廷尉矣

合龠爲合 說文升十龠也此云合龠卽一龠也下云龠者合龠之量也故曰合龠爲合廣雅云龠二爲合二當爲一字之誤耳

職在太倉大司農掌之 大司農有太倉令丞

斤者明也 周頌執競云斤斤其明爾雅釋訓云明明斤斤察也

矩者所以矩方器械 閩本無所以二字

北伏也 五帝本紀集解引尸子曰北方者伏方也

西遷也陰氣遷落物 白虎通德論云西方者遷方也萬

物遷落也

秋韞也物韞斂乃成熟 鄉飲酒義云西方者秋秋之爲言愁也鄭注愁讀爲摯摯斂也

東動也 說文亦云東動也

宦者淳于陵渠 淳于姓陵渠名也戰國時有淳于髡公卿表有定陵侯淳于長後漢有淳于瓊

究其微眇師古曰眇讀曰妙 案元帝贊窮極幼眇藝文志樂尤微眇師古皆讀曰妙易說卦妙萬物而爲言者也王肅本妙作眇音妙是眇本古妙字

天數二十有五地數三十 二十有五者總一三五七九爲二十有五三十者總二四六八十爲三十也

律歷志下

統月萬九千

監本闕本統月下有一字

統中萬八千四百

監本闕本統中下有一字

見中法千五百

監本闕本見中法下有一字

積月十三月餘萬五千

監本闕本月餘下有一字

積中十中餘千七百

闕本中餘下有一字

夕中分萬八千

闕本分下有一字

夕閏分萬五百

闕本分下有一字

則太陽大周爲萬三千八百

闕本爲下有一字

伏日行不盈十五分度三百

闕本無百字

歲術推歲所在置上元以來外所求年

歲術二字當另

爲一行推歲所在當與下相屬

星紀初斗十二度大雪中牽牛初冬至終于婺女七度

大雪十一月節也時日在斗十二度冬至十一月中也
時日在牽牛初度下放此

小寒 十二月節

大寒 十二月中十二月極寒之時相對爲太小月初寒
爲小月半寒爲大

立春 正月節

驚蟄今日雨水雨水今日驚蟄 驚蟄者蟄蟲驚而走也
也雨水者言雪散爲雨水也今日者依四分術改之淮
南子先雨水後驚蟄鄭注月令云夏小正正月啓蟄

始亦以驚蟄爲正月中雨水爲二月節正義云漢之時
立春爲正月節驚蟄爲正月中氣雨水爲二月節春分
爲二月中氣至前漢之末以雨水爲正月中驚蟄爲二
月節案四分術以雨水爲正月中驚蟄爲二月節蔡邕
月令章句孟春以立春爲節驚蟄爲中從古法也

穀雨今日清明明日穀雨 穀雨三月節言雨以生
百穀也清明三月中言物生清淨明絜

立夏 四月節

小滿 四月中言物長于此小得盈滿也

芒種 五月節言有芒之穀可稼種也

夏至 五月中

小暑 六月節

大暑 六月中就極熱之中分爲大小月初爲小月半爲大也

立秋 七月節

處暑 七月中言暑氣將退伏而漸處也

白露 八月節陰氣漸重露濃色白也

秋分 八月中

寒露 九月節言露氣寒將欲凝結也

霜降 九月中

立冬 十月節

小雪 十月中以霜雨凝結而雪十月猶小十一月轉大

也

我高祖少昊繫之立也

繫監本閩本皆作繫

元囑之孫也生木故

生上脫水字木下行故字監本閩

本皆不誤

金天氏高陽氏高辛氏皆云周舉其樂故易不載

鄭注周易云金天高陽高辛遵黃帝之道無所改作故

不述

見周禮疏二十一

夏后氏四百三十二歲

漢紀作四百四十二年

以冬至越弗祀先王于方明

弗與紼同禮記曰唯祭宗

廟爲越紼而行事紼是引車索言不以私喪廢公祀

終六府首

府部聲相近

故傳曰歲在鶉火 傳卽春秋外傳周語

丙午還師 詩大明疏引作逮師

王乃洮沫水 沫顧命作頽馬融云頽頽面也說文沫洒面也从水未聲頽古文說文無頽字頽與古文沫相似當卽頽字之譌

子考公就立酋 案此與下文微公弗立潰厲公翟立擢慎公執立皐懿公被立歲悼公曼立寧穆公衍立顯文義相同猶言就或爲酋耳後放此

釐公五年正月辛亥朔旦冬至殷歷以爲壬子 三史拾遺曰案隋志載春秋命歷序魯僖公五年天正壬子朔旦日至成公十二年天正辛卯朔旦日至昭公二十年

天正庚寅朔旦日至竝與殷厯合蓋乾鑿度考靈曜命
厯序諸緯皆殷厯也命厯序言孔子脩春秋用殷厯使
其數可傳于後

桎人舉出而與之 出左氏傳作塊說文出正字塊或體
字

歲在大棣之東井二十二度鶉首之六度也 三史拾遺
曰六度當作七度置積年滿歲星歲數去之其餘歲一
千三百廿九以百四十五乘之盈百四十四而一得積
次一千三百三十八次餘三十三以十二去積次餘數
六起星紀算外則歲在鶉首也又以三十乘次餘盈百
四十四而一得積度六起井十六度算外得歲在東井

二十二度太強實鶉首之七度也

高帝著紀卽位八年 帝字誤監本閩本皆作后

禮樂志

妒忌之別 別漢紀作心

背死忘先者眾 經解先作生

安上治民莫諱於禮 說文諱吉也从言从羊善篆文

盛揖攘之容 說文攘推也讓相責讓也纒援臂也曲禮

云左右攘辟鄧注攘古讓字然則揖讓字古作攘譙讓

字古作讓攘臂攘羊字古作纒歟

言能勺先祖之道 勺漢紀作酌

鐘鼓鈠鈠磬管鏘鏘 今詩鈠作鏘鏘作將將古字也鏘

字說文所無

大祝迎神於廟門奏嘉至 案嘉至永至登歌休成永安
皆叔孫通所制樂章篇名

奏永至 永荀悅漢紀作祀

采詩夜誦有趙代秦楚之謳師古曰夜誦者其言詞或祕
不可宜露故於夜中歌誦 案小顏說非也夜誦官名
員五人古宮掖之掖亦作夜因誦於宮掖之中故謂之
夜誦下文云內有掖庭才人外有上林樂府皆以鄭聲
施于朝廷是也後漢馬廖傳願置章坐側以當瞽人夜
誦之音章懷注亦誤

七始華始 七始律歷志引書曰予欲聞六律五聲八音

七始詠以出內五言女聽是也

桂華馮馮翼翼 此上二字疑是練時日帝臨青陽之類
所以記章數也但存桂華美若二章之名其餘俱脫去
耳

美芳磴磴卽卽 依前說則美芳當作美若予又疑美芳
上脫二字卽是桂華有此一句則磴磴卽卽正與上德
福爲韻師象山則句是衍文因下章有此句而誤衍於
此二說不同姑兩存之以就正知者

郊祀歌十九章 是司馬相如等所作略定律呂以合八
音之調

曳阿錫 說文絳細布也其字从糸古亦通用錫燕禮云

鼎川綰若錫鄭注今文錫爲綌又喪服傳云錫者何也
麻之有綌者也

神奄留臨須搖 須搖卽須臾搖臾聲相近

卉汨臚析奚道 道監本閭本皆作遺

掩回輟騶長馳 說文騶騶長兒讀若曼

赤雁集六紛員 紛員卽紛紜員云古字通

謁者常山王禹世受可閒樂 可當作河藝文志河閒獻

王與毛生等共采諸子言樂事者以作樂記其內史丞

王定傳之以授常山王禹是其事也

河閒區區不國藩臣 不疑下字之譌

嘉至戢員十人 嘉至樂章名迎神廟門所奏

諸族樂人兼雲招給祠南郊師古曰招讀與翹同 魏氏
繆襲議云漢有雲翹育命之舞不知所出舊以祀天
給盛德 盛德卽孝武廟所奏盛德文始四時五行之舞
豪富吏民湛沔自若 湛沔與沈湎同

刑法志

夫人肖天地之貌 說文兒頌儀也兒或作貌从頁豹省
聲

從之成羣是爲君矣 荀子王制篇云君者善羣也春秋
繁露滅國篇云君者不失其羣者也又曰君者羣也白
虎通義云君羣也羣下之所歸心也

歸而往之是爲王矣 韓詩外傳云王者往也天下往之

謂之王春秋繁露滅國篇云王者民之所往能使萬民
往之無敵于天下說文解字王天下所歸往也

成十爲終終十爲同 終荀紀作眾古字通

是謂千乘之國 漢舊儀九夫爲井四井爲邑四邑爲邛
四邛爲乘乘則具車一乘四馬步卒三十六人千乘之
國馬四千匹步卒三萬六千人爲三軍大國也次國二
軍小國一軍

皆身誅戮於前而功滅亡於後 功監本閩本作國

雙之以行 雙左氏傳作聳說文雙懼也从心雙省聲春
秋傳曰駟氏懼懼卽雙也小顏訓雙爲獎非是

詩曰儀式刑文王之德 左氏傳同今詩作典

百姓新免毒蠱 說文蠱螫也从虫今从虺同

完爲城旦舂滿三歲爲鬼薪白粲 漢舊儀云凡有罪男
髡鉗爲城旦城旦者治城也女爲舂舂者治米也皆作
五歲完四歲鬼薪三歲鬼薪者男當爲祠祀鬼神伐山
之薪蒸也女爲白粲者以爲祠祀擇米也皆作三歲罪
爲司寇司寇男備守女爲作如司寇皆作二歲男爲戍
罰作女爲復作皆一歲三月

將以禁暴惡且懲其末也 荀子作微其末楊倞曰微讀
爲懲未聞將來案徵古懲字魯頌荆舒是懲史記建元
以來侯者表引作荆荼是徵

不祥莫不矣焉 矣字衍荀子及漢紀皆無

故治則刑重亂則刑輕李奇曰世所以治者乃刑重也所以亂者乃刑輕也 案李說非也楊倞以爲治世刑必行則不敢犯故重亂世刑不行則人易犯故輕其說得之

以死罔民失本惠矣 惠漢紀作意

食貨志上

耒耜之利以教天下 南雍本閩本作耒耨

田中不得有樹用妨五穀 齊民要術注云五穀之田不宜樹果諺曰桃李不言下自成蹊匪直妨耕種損禾苗抑亦惰夫之所休息豎子之所嬉游

殖於疆易 詩作塲非古字

還廬樹桑 公劉詩毛傳云廬寄也說文廬寄也秋冬去

春夏居釋名寄止曰廬廬慮也取白覆慮也廬在田中

故詩曰中田有廬農功已畢乃居於里

四之口舉止 詩七月篇作舉趾案士昏禮云皆有枕北

止鄭注止足也古文止作趾說文止下基也象艸木出

有址故以止爲足

嗟我婦子聿爲改歲 詩七月篇聿作日案日與聿古通

敘傳幽通賦吹中飭爲庶幾兮師古曰吹古聿字

古之治天下至熾至悉也 說文熾銳細也

始造苑馬以廣用 邊郡有六牧師苑養馬三十萬疋

又加月爲更卒已復爲正一歲屯戍一歲力役三十倍於

古 隸釋衛宏漢官舊儀民年二十三爲正一歲爲衛
士一歲爲材官習射御騎馳戰陳又曰民給正衛材官
年五十六老衰乃能免爲民

故平都令光教過以人輓犁 崔寔政論云武帝以趙過
爲搜粟都尉教民耕殖其法三犁共一牛一人將之下
穰挽耬皆取備焉曰穰一頃至今三輔猶賴其利齊民
要術
引

食貨志下

市井子孫亦不得宦爲吏 閩本宦作官南雍本作爲官
吏

法使天下公得顧租鑄銅錫爲錢 錫字疑衍

蕭然煩費矣 蕭然卽騷然蕭騷聲相近

兵連而不解天下共其勞 共讀與供同謂供給其勞役也小顏訓共爲同非是

蠻夷因言數攻吏吏發兵誅之 南雍本閩本俱不重吏字

自孫宏以春秋之義繩臣下 南雍本閩本自下俱有公字

令不得摩取鉛 鉛當作鎔鎔銅屑也

天下旣下糾錢令 天字下之下字疑是子字

益廣開 開平準書作闕徐廣曰元鼎三年徙函谷關于新安東界

令封君以下至三百石吏以上差出牡馬 牡當作牝胎
帝始元五年罷天下亭毋馬是也

分部主郡國各往往置均輸鹽鐵官 河東有均輸 長郡

國有鹽官者三十六有鐵官者五十皆桑宏羊議置

如異時商賈所轉販者 貶閩本作販

公龜九寸直五百 禮器疏引此文九寸下有以上二字

鐵曰農之本 曰疑當作田

鐵布銅冶 閩本鐵作錢

野有餓莩而不發 今孟子莩作殍張有復古編云受物
落上下相付也 一曰餓死曰受从爪又別作殍莩莩竝
非

漢書辨疑卷十二

古

加傳氏年
殿斗齋叢書

漢書辨疑卷十二終